

मार्निंग डोगरी न्यूज़ बुलेटिन, समें. **09-20** Hrs

<><><><><><>

## Headlines

- प्रधानमंत्री नरेन्द्र मोदी होर अज्ज करियप्पा परेड मैदान च सलाना एनसीसी पीएम रैली गी संबोधित करडन।
- भारतीय गणतंत्र दे कल 75 ब'रे पूरे होने पर राष्ट्र नै तरक्की, एकता ते जरनीकपने दी अपनी शानदार जात्तरा दा जश्न मनाया। जम्मू च बी गणतंत्र दिवस पूरे जोशो-खरोश कन्नै मनाया गेआ।
- लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर दी सरकार, 5एं ब'रें अंदर 1 लख 37 जहार उद्यम कायम करने लेई मिशन युवा पर कम्म करै करदी ऐ।
- उपमुख्यमंत्री सुरिंदर चौधरी होरें आखेआ ऐ जे सरकार जम्मू-कश्मीर च रमानदारी, खुशहाली ते विकास लेई वचनबद्ध ऐ। उनें जम्मू-कश्मीर गी भारत दे सिरै ताज ते आत्मा करार दित्ता।
- खेड्ड मंत्री सतीश शर्मा होरें 38मीं राष्ट्री खेड्डें लेई जम्मू-कश्मीर दे दस्ते गी कल झंडी दस्सियै रवाना करोआया। उनें खेड्ड ढांचे गी तगड़ा बनाने दी सरकार दी वचनबद्धता गी पही पक्का कीता।

<><><><><><>

## PM-NCC Rally

प्रधानमंत्री नरेन्द्र मोदी होर अज्ज नमीं दिल्ली दे करिचप्पा परेड ग्राउंड च राष्ट्री कैडेट कोर दी सलाना प्रधानमंत्री रैली गी संबोधित करगंन। इस ब'रे एनसीसी पी.एम. रैली दा विशे होग “युवा शक्ति, विकसित भारत”। इस दरान एनसीसी दे 8 सौ कोला मते कैडेट सांस्कृतिक कार्यक्रम प्रस्तुत करगंन, जिंदे च राष्ट्र निर्माण लेई एनसीसी दी निष्ठा ते प्रतिबद्धता गी दर्शायी जाग। रैली च 18 मित्तर मुख्यें दे 144 युवा कैडेट बी हिस्सा लैगन। एह्दे अलावा “मेरा युवा भारत” ते “शिक्षा मंत्रालय ते जनजातीय मामले मंत्रालय कन्नै सरबंधी साददे 6 सौ 50 कोला मते स्वयं सेवी बी चेचे परौहने दे रूपै च शामिल होंगन।

<><><><><><>

## Rday Celebrations Jammu

भारतीय गणतंत्र दे कल 75 ब'रे पूरे होने पर राष्ट्र नै तरक्की, एकता ते जरलीकपने दी अपनी शानदार जात्तरा दा जश्न मनाया। भारत दी नमीं सामरिक मिसाइल प्रलय, टी-90 टैंक, जंग दे मैदान च त्रौनें सेनाएं दे तालमेल गी दर्शाने आह्ला इक नाटक, केई नृत्यें ते झांकियें दी परेड नै जंदे रोज नमीं दिल्ली दे कर्तव्य पथ पर फौजी ताकत, संस्कृति ते विकास दा शानदार प्रदर्शन कीता। तोआई, देशै दे होरनें हिस्सें आह्ला लेखा, जम्मू संभाग च बी देशभक्ति दी भावना ते खुशी दे कन्नै 76में गणतंत्र दिवस समारोह दा जश्न मनाया गया, जेह्दे च नागरिक समाज, विद्यार्थीएं, मर्दे, महिलाएं ते बच्चें दी बड़ी बद्ध गिनतरी च भागीदारी रेई। मुख्य कार्यक्रम जम्मू दे मौलाना आजाद स्टेडियम च आयोजित कीता गेआ, जेह्दे च लेफ्टिनेंट गवर्नर मनोज सिन्हा होरें समारोह दी अध्यक्षता कीती ते सलामी लैती। मुख्यमंत्री ओमर अब्दुल्ला होरें मुख्य परौहने दे तौरा पर इस समारोह च शिरकत कीती। जम्मू-कश्मीर दी सांस्कृतिक बन्न-सबन्नता उपपर बक्ख-बक्ख विभागें दी झांकियां, पीएम-सूर्य घर, सनैहरी भारत दी विरासत, फिट इंडिया मूवमेंट, नशे दे खलाफ लड़ाई ते जम्मू-कश्मीर पुलसा दे दलेर जवानें आसेआ प्रभावशाली मोटरसैकल कलाबाजी ते बक्ख-बक्ख विशें उपपर आधारित सांस्कृतिक कार्यक्रम इस समारोह दे मुख्य आकर्षण हे।

<><><><><><>

## LG Yuva

उपराज्यपाल मनोज सिन्हा होरें गणतंत्र दिवस समारोह दे दरान कल आखेआ जे सरकार उत्कृष्टता ते रोजगार सृजन दे केन्द्र दे तौरा च स्थापित करने दे उद्देश्य कन्नै "मिशन युवा" पर कम्म करा करदी ऐ। इस पैहल दा उद्देश्य 5एं ब'रें च 1 लक्ख 37 ज्हार कोला मते उद्यम ते 4 लक्ख 25 ज्हार नौकरियां पैदा करना ऐ, जेह्दे च दूर दराज दे खेत्तरें दे पैहली पीढ़ी दे उद्यमिण, महिलाएं ते नोजवानें पर विशेष ध्यान दितता गेआ ऐ। उपराज्यपाल होरें आखेआ जे प्रशासन ते सरकारी नौकरियें च तेजी कन्नै मती आस्तै बी लाजमी पैहलकदमियां कीतियां न। अपने संबोधन च उनें 40 ज्हार महिलाएं गी "लखपति दीदी" जनेई सशक्त करने आली योजनाएं दा लाह थोने दा बी जिक्र कीता। उपराज्यपाल मनोज सिन्हा होरें आखेआ.....

<><><><><><>

## Raj Rahi Award

गणतंत्र दिवस दे मौके उपपर रियासी जिले थमां मन्ने-परमन्ने दे लखारी ते साहित्य अकैडमी अवार्ड कन्नै सम्मानित राज राही होरें'गी बड़ी मती प्रतिष्ठा आहले स्टेट अवार्ड कन्नै सम्मानित कीता गेआ ऐ। डोगरी भाशा दे संरक्षण ते साहित्य च अनमुल्ले जोगदान लेई जाने जाने आहले राही हुंदे कम्म च खित्ते दी सगोसार सांस्कृतिक विरासत ते संघर्षे दा अक्स दिक्खने गी लब्बदा ऐ।

राही होरें अपनी रचनाएं दे राहें डोगरी भाशा गी जींदा रक्खने लेई अनथक मेहनत कीती ऐ। एह सम्मान नां छड़ा उंदे साहित्य कौशल गी दर्शादा ऐ सगुआं जम्मू-कश्मीर दिएं परंपराएं ते कहानिएं दे संरक्षण लेई उंदे समर्पण गी बी दर्शादा ऐ ते एह भविष्य दिएं पीढ़िं गी बी इस भेठा प्रेरित करोग। इस सरबंधे च आकाशवाणी समाचार कन्नै गल्ल करदे होई राज राही होरें गलाया

<><><><><><>

Dy. CM

उपमुख्यमंत्री सुरिन्द्र चौधरी होरें जम्मू कश्मीर च शांति, विकास ते समृद्धि आस्तै सरकार दी वचनबद्धता गी दोहराया ते आखेआ जे उमर अब्दुल्ला हुंदी अगुवाई आली सरकार पाससेआ जम्मू कश्मीर दे लोकें कन्नै कीते गेदे वायदें गी चरणबद्ध तरीके कन्नै पूरा कीता जाग। श्रीनगर दे बख्शी स्टेडियम च गणतंत्र दिवस समारोह दे दरान उनें जम्मू कश्मीर गी भारत दा मुकुट ते आत्मा करार दित्ता, जेहड़ा अपनी बेजोड़ सुंदरता, संस्कृति ते इतिहास आस्तै मशहूर ऐ। जम्मू कश्मीर दे लोकें दे जरनीकपने, खातर जव्वजो ते भाईचारे दी तरीफ करदे होई उपमुख्यमंत्री होरें न्याय ते तरक्की दे प्रति सरकार दे समर्पण पर जोर दित्ता। अपने संबोधन च उपमुख्यमंत्री होरें जम्मू कश्मीर दा राज्य दा दर्जा बहाल करने दी मंग गी दोहराया। उनें नागरिकें गी आग्रह कीता जे ओह पूरे खेत्तर च एकता ते सद्भाव गी बढ़ावा दिंदे होई भारत गी होर मता खूबसूरत ते जम्मू कश्मीर गी हर पैहलू च मजबूत बनाने दा संकल्प लैन। इस मौके पर उपमुख्यमंत्री होरें आखेआ.....

<><><><><><>

SM-National Games

खेड़ड मंत्री सतीश शर्मा होरें जम्मू दे के.के.हक्कू स्टेडियम थमां 38मीं राष्ट्री खेड़डें आस्तै जम्मू कश्मीर दे 108 सदस्यी दल गी झंडी दस्सियै रवाना कीता। 87 पुरुष ते 21 महिला खडारिं सनें टीम 28 जनवरी कोला 14 फरवरी तगर उत्तराखंड च 14 बक्ख-बक्ख खेड़ड स्पर्धीं च हिस्सा लैग। कार्यक्रम च बोलदे होई मंत्री होरें राष्ट्री खेड़डें च हिस्सा लै'रदे खडारिं गी बधाई दित्ती ते उंदी कामयाबी पर जकीन जताया। उनें राष्ट्र निर्माण च नोजवानें दे योगदान दे महतव पर जोर दित्ता ते खेड़डें गी प्रतिभा ते विकास आस्तै इक गतिशील साधन दे रूपै च उजागर कीता। मंत्री होरें जोर देइयै आखेआ जे मुख्यमंत्री उमर अब्दुल्ला हुंदे दूरदर्शी नेतृत्व च सरकार खडारिं गी खेड़डें लेई बेहतर बुनियादी ढांचा ते आधुनिक सुविधा प्रदान करने आस्तै प्रतिबद्ध ऐ तां जे मते शा मते एथलीट राष्ट्री ते अंतर्राष्ट्रीय प्रतियोगिताएं च जम्मू कश्मीर दी नुमायंदगी करी सकन।

<><><><><><>

## Badhaal Recovery

रजौरी जिले दे बडहाल ग्रां थमां दिल बधाने आहली खबरां आवै करदिआं न कीजे सेहत सरबंधी अधिकारिणं इस गल्लै दी तसदीक कीती ऐ जे रहस्यमयी बमारी दे लपेटे च आए दे मरीजों दी हालत च सुधार होआ करदा ऐ। जीएमसी रजौरी च इस रहस्यमयी बमारी करी प्रभावत 11एं मरीजों दा ऐल्लै इलाज चलै करदा ऐ ते सब्बनं दी हालत स्थिर बनी दी ऐ। इंदे अलावा पीजीआई चंडीगढ़ च भर्ती 25एं बरें दे ऐजाज अहमद नांS दे मरीज दी हालत च बी सुधार होआ करदा ऐ। सरकारी मेडिकल कॉलेज रजौरी दे प्रिंसिपल होरें इस गल्लै गी साफ कीता ऐ जे अव्वल दर्जे दिणं लैबाटरेणं दिआं रिपोर्टा बडहाल च कुसै वायरल इन्फैक्शन दी शेंका गी खारिज करै करदिआं न इस करियै लोकें गी मता घाबबरना नेई लोड़चदा ऐ। ऊआं प्रभावत मरीजों गी बक्ख—नखेड़ियै रक्खने दी बवस्था गी बरोबर लागू रक्खेआ गेदा ऐ ते प्रशासन नै बी हालात उप्पर नेड़मी तक्क रक्खी दी ऐ।

<><><><><><>